



Эрдэнэ Ресурс \$2.5 сая канад долларыг хаалттай хүрээнд татан төвлөрүүлээ

Канад улс, Нова Скошиа муж, Халифакс хот – 2019 оны 2 сарын 28

Эрдэнэ Ресурс Девелопмент Корпораци (TSX:ERD | MSE:ERDN) (Цаашид “Эрдэнэ Ресурс” эсвэл “Компани” гэх) нь хаалттай (“санхүүжилт”) хүрээнд нийт \$2,533,345 кан.долларыг татан төвлөрүүлснийг дуулгахад таатай байна. Бид 2019 оны 2 сарын 12-нд \$1.75 сая кан.долларын хаалттай санхүүжилтийг төлөвлөж буйг мэдээлж байсан бөгөөд энэхүү санхүүжилт нь төлөвлөсөн хэмжээнээс давж биеллээ. Эрдэнэ Ресурсийн удирдлага, ТУЗ-ийн гишүүд болон ажилтнууд нь энэхүү санхүүжилтийн 10%-тай тэнцэх үнэт цаасны нэгжийг худалдан авлаа.

Энэхүү санхүүжилтийн хүрээнд нэгж бүр нь \$0.23 кан.доллараар үнэлэгдсэн 11,014,544 үнэт цаасны нэгжийг (“үнэт цаасны нэгж”) борлуулав. Үнэт цаасны нэгж бүр нь Компанийн нэг энгийн хувьцаа болон дагалдах нэг варрантаас (“варрант”) бүрдэнэ. Энэхүү варрантууд нь санхүүжилт хаагдсанаас хойш 2 жилийн хугацаанд компанийн энгийн хувьцааг тогтсон үнээр худалдан авах эрх юм. Варрантууд нь эхний 12 сарын хугацаанд Компанийн энгийн хувьцааг \$0.40 кан.доллар, дараагийн 12 сарын хугацаанд \$0.50 кан.доллараар худалдан авах нөхцөлтэй. Энэхүү санхүүжилттэй холбоотойгоор \$62,116 кан.доллар болон 270,070 варрантыг зуучлалын үйлчилгээний төлбөрт төлөв. Зуучлалын варрантыг үнэт цаасны нэгжийг дагалдах варранттай ижил нөхцөлөөр хэрэгжүүлэх боломжтой.

Татан төвлөрүүлсэн хөрөнгийг Компанийн Хөндий Алтны Төслийн Урьдчилсан Техник Эдийн Засгийн Үндэслэлийг (“урьдчилсан ТЭЗҮ” гэх) боловсруулах, ашиглалтын тусгай зөвшөөрлийн өргөдөл гаргах, Монгол улсын Засгийн Газраас зарлаж эхлээд буй тусгай зөвшөөрлийн сонгон шалгаруулалтад оролцох болон бусад үндсэн үйл ажиллагаанд зарцуулахаар төлөвлөж байна.

Санхүүжилтийн хүрээнд гаргасан үнэт цаасыг санхүүжилт хаагдсанаас 4 сарын хугацаанд царцаах (“hold period”) нөхцөлтэй болно.

Хөндий алтны төслийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн терреинд байрладаг. Энэхүү Төв Азийн Орогены бүс нь БНХАУ-ын нутагт хил дагуу болон бүсийн баруун чиглэлд эпитеpmаль алт болон порфирийн зэс-алтны ордууд сайн судлагдсан байдаг боловч Монгол улсын хувьд 1990-ээд оны дунд үеэс ардчилсан нийгэмд шилжин, гадаадын хөрөнгө оруулалттай компаниудад хайгуул хийх боломжийг олгосноор судлагдаж эхэлсэн. Ийнхүү судлагдсанаар дэлхийн хэмжээний алт-зэсийн орд болох Оюу Толгойг нээн илрүүлсэн. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн

төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Компани нь Баян Хөндий болон Алтан Нар төслүүдийн хайгуул болон нөөцийн хөгжүүлэлтэд 17 сая ам.долларын хөрөнгө зарцуулаад байна.

Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 1 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com-оос авч танилцах боломжтой. Компанийн тухай тодорхой мэдээллүүд нь зөвхөн Компанийн вебсайтаар дамжин хүрэх магадлалтай тул хөрөнгө оруулагчид вебсайтаар дамжуулан дэлгэрэнгүй мэдээллийг авах боломжтой.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш болно. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон Гүйцэтгэх захирал
Кэн В. МакДоналд, Дэд ерөнхийлөгч болон Санхүү хариуцсан захирал
Утас: (902) 423-6419
Email: info@erdene.com
Вебсайт: www.erdene.com
Twitter: www.twitter.com/ErdeneRes
Facebook: www.facebook.com/ErdeneResource
LinkedIn: www.linkedin.com/company/erdene-resource-development-corp/
YouTube: www.youtube.com/channel/UCILs5s9j3SLmya9vo2-KXoA